



C4611

光緒戊寅三月重刊



鳴春集

孔季子書



鳴春集

光緒戊寅三月重刊

卷之四

天津圖書館藏

天津圖書館藏

天津圖書館藏

鳴春集序

古之仕者其勢皆能得其志於上而窮其才力之所得為功見言信則遂終於其官而無計久近是故其所為皆能有以媚於其人而人

春集

序

卷之四

亦自不能釋居而安去而息歿而祀其常也乃今則稍異矣功令既束於其前歲月復迫於其後朝夕斲惟簿書期會之是亟而非真能有以行其志而致之人人亦泛然視之蓋去未幾而問其姓名

有不知者矣非獨其功能之不如
古亦勢使之也至於文學之署師
儒之官其於今失職為尤甚下者
卑之無論上者蕭然扃闔無問脩
脯而已此又不待其去而姓名有
不可知者也况於使人若其誦尊

其道而不忘乎况於尸祝而俎豆
之比於古者先師之遺乎此余於
北湖先生馮公不能無異也先生
當嘉靖中來為學諭於閩之懷安
久之以丐養去閩人士祀之學宮
已懷安省入候官學亦隨廢則又

奉其主郡學祀焉蓋又六十餘年而先生之孫景貞氏來督學於閩閩人士知使者之為故馮先生孫也益心嚮視其色笑加親而奉其科條加習已景貞氏出先生遺集示閩士若以慰其不忘之思而閩

士所挾藏簡帙如新反有家集之所不載而景貞氏得藉以補其闕遺者吁可異也計先生之在當時豈能盡出功令外有以自見而使

人誦法之不棄以至邑遷市改俎豆自如且子弟之於父兄朝而接

簡或夕而棄焉其為無恆之懷而
不為伯魯之供者希矣而閩士於
先生之殘編漏牘咸尊若漆簡竹
書什覈而不忍舍也此又何以故
焉昔詩人論盛德至善之君子使
我不可誼而本之切磋琢磨蓋惟

脩於已者至故入於人者深非聲
音笑貌之所能與也意先生之得
士其在是歟然則疑今之世不可
以道得民而謂功令歲月得以限
之者其亦不然矣於是景貞氏將
重鈔先生集以行在而屬序於余

余惟先生學非鄒魯洛閩不稱其
文非典則不以述也詩非性情不
以詠也蓋格人之莊言而與藻績
鞏輓者異讀者當自識之不備論
獨論其所得於人為不可及者如
此云

鳴春集

序

五

萬曆三十九年歲次辛亥秋七月
中元日

賜進士出身福建承宣布政使司
左布政使

誥授通奉大夫正治卿前兵部武
庫清史司員外郎眷晚生丁繼嗣

頓首拜誤

鳴春集

序



六



Faint bleed-through text from the reverse side of the page, including characters like '鳴春集' and '序'.

刻鳴春集序

鳴春集者大父北湖登仕公自名所作而先子貞白承德公集焉者也。大父起明經訓石埭諭懷安庠者俱九年而解組歸為嘉靖丁巳。俄轉周義寧王傅辭不赴踰年壽終而先子錄其詩文若干卷則既不得自廣其傳而屬其後之人者幾五紀矣。時聞懷庠門人祀名宦第不聞顓祠及懷邑併而祀祠俱廢。庚戌秋炳奉

鳴春集

序

甫

爾書來董學政則前道豐城熊思城舊寅長業已徵往牒新舊主合祠郡庠而及門士若陳司訓志魏生煬猶有存者復與門下士徙廢祠而新之。泮左曰懷德翁青陽左宗伯記之詳矣。一日候庠黃司訓鵬飛以署學時所應前道按訪而得翁生光祚之家藏曰鳩巢賦瑞芝歌者以請則集固有之而魏生煬錄與其尊人泉峰郡博酬畬者六首懷庠別桂與留別諸生詩二首則集所無也。丁左轄禹門公

陳憲長往左公見而異之皆謂邑博冷局省
會貴區一時門人得其單詞隻句至今奉為
大呂而珍若連城士固不薄而令先博士之
德所稱懷允不忘者洵出言語文字外矣顯
祠繇此重新而遺集何可不廣煇於是哀次
而付之梓而謹識其端曰銓格廣文初選以
六年為斷滿十二選則遷邇來吏道雜而貢
途滯更減一選矣而大父訓諭皆滿九年則
彰志貞教斤斤實見之行事不徒虛擁臯也

以故歷年多教思于士者無窮今兩地皆祠
名宦而埭復有馮杜二先生去思碑不獨福
有之教可思已煇嘗讀秋行賦及所為鳩窠
賦瑞芝歌而竊意天之有巧曆也大父所至
開講不專倚席教鐸鼓鬯宮角應聲埭奉唐
代巡檄修邑誌懷奉朱督學沈軍院檄主五
經會埭庠絕科五十年而癸卯雙捷甲辰大
魁為畢大司徒而彭沈復迭奮戊申蒞懷已
酉捷四士合閩候僅如之自是共捷九人而

鄧為之魁然有五丈夫子世父叔父皆知名
士而期先子者大丙午領批至巳酉壬子昆
季同舉不第而望轉篤賦謂癸丑之秋將命
建寧者近魏生云奉兩臺檄勸李古松太宰
駕而鼓文王之操度雙清之曲激烈于文山
正氣之歌而屬望于乙卯天香之插鳩窠所
願亦復如是而龍樹瑞芝更滿擬丙辰龍頭
之兆意念抑何矜奮而豈知天固不干其子
于其孫乎熒遂舉是秋而乙酉發解壬辰登

第迴視前期則同乙冲支同辰尅干而狀頭
出候為懷兼邑亦以癸丑春生其先判醴公
亦屬五經會中士今花甲週而獲縱觀過化
之區駿奔在廟之主豈非天哉豈非天哉則
亦孰非人哉按狀誌大父垂髫時侍大王大
父石峰朝列公于南昌就芝城魏孝廉而學
焉時寧庶人張甚屬孝廉相攸見公儀姿瓌
璋器識端凝密薦之業報可而不發一日講
畢忽曰明日緋袍加身欲辭不得矣大父駭

詰所為得之則謝不敢別而不謀于家單舸
疾歸藏修邑北普濟禪寺家人蹤跡不得計
無所出無何而寧使者至矣孝廉懊恨曰惜
早世亦不謂其不願也事亦遂得寢後邑人
知而詰之則曰吾聞妻以夫貴豈能從妻貴
哉不數年寧庶人敗即不敗公之大居正而
識力早何可及也夫天地之氣貞以起元貞
者正也浩然正氣磅礴宇內蓋雖陰凝寒沍
積于空虛無用之地至于折膠呵凍墮指裂

膚而一元真意未始不嘿運流行于其間大
父獨稟剛大少成若性老至彌篤故發於歌
咏而形于結撰者自不知其為鳴又安知其
為春而春固未始不鳴於其中也不然首循
盤空啼號念切日暮影長意衰語促安所得
春而鳴之挺固謂鳴春之集非有得於正氣
之歌者必不能為而庶亦可以得先大父之
深也矣是為刺鳴春集序 首

萬曆三十九年辛亥歲秋九月九日

福建提刑按察司副使奉

勅提督學校前奉

勅分理軍務第九孫焯稽首頓首百拜書於興
化府之公署



鳴春集

序

五

馮北湖先生鳴春集目錄

卷之一

賦二首

鳩窠賦

侯官學訓導黃鵬飛署學事時于翁生光祚家得此稿錄送與家藏本同

秋行賦

五言古詩三首

與姚明山陳閑山王松澗鄭雲川周後溪馮

際明諸公會講普濟寺

賀施鳳山暨夫人雙壽

鳴春集

目錄

往建寧候李太宰拉魏泉峯郡博同遊雪峯

寺阻雪贈別

七言古詩三首

壽山溪鄒先生六旬

日出吟和韻

瑞芝歌

黃訓導錄送翁生光祚家稿亦有此比家藏本少後四句

五言律詩八首

寄宿素亭和黃默齋大尹韻二首

和東谷趙大尹青陽道中韻

王相彭雪泉題北湖號和韻酬之

書院校士適有二娥冒雨遊烏石士皆延頸

詩以戒之

遣懷

悲敗軍

嘲劉西郭先生得妾

七言絕句五十一首

過夾馬營

蔡介齋先生南歸惜別

鳴春集

目錄

風晴露雨竹四首

壽南山徐大尹

諭牡丹

牡丹對

謝桂素亭折枝牡丹

賀桂素亭得孫

春遊

夏眺

秋思

踏雪

送虞南坪歸池陽任

九日復遊仙壇

憶大尹趙東谷南巖未回

和東谷趙公早發郡城二絕韻

奕葉清風竹

高岡舞鳳竹

楚天春霽竹

恩承雨露竹

鳴春集

目錄

二

端陽有感二絕

感秋

雪夜寫懷二首

題長林四景

七首俱刻石埭縣志

陳松亭憤周蓮幕炎涼和韻以慰之二首

養正書院校士

秋日寫懷三首

咏芙蓉

和鄭漱石慰免倭寇二絕

陞周府義寧王教授不就

見學士談玄有感

丁亥中秋侍石峰公夜酌無月

冬日偕經大尹梅窓胡侍御六輩許東川郡

守王槐坡春元燕集魏郡博泉峯菊圃席

上和 以下二首乃親受業今猶在學魏生煬錄藏者併入

乞魏泉峯郡博菊植齋內得雨詩以酬之

別桂 送懷庠陳春元址上

卷之二

鳴春集

目錄

四

五

七言律詩七十一首

阿城登陸

長至日寓金臺寫懷

除夕立春寓都下自朝

又次前韻

和郡博王立齋咏閑韻

贈邑博徐栗夫號川月

贈邑博邵文明號石銘

贈邑博胡思道號兩峯

壽別駕徐寅齋 時五十有九矣

壽新城沃先生 六十一首

壽蒲內相 八首

題李松峯號二首

慰姪下第受侮 一首

有為戒子

過茶城

過濠陀河

聞

鳴春集

目錄

五

九廟灾

贈蕭君母子節孝

挽郎掌科母夫人

挽陳生讓

挽李生臯仁二首

過九華山陰 一首

過五溪登玩華亭 一首

公幹遇風雨泊江洲二首

赴南山徐大尹燈宴得春字韻

端陽有感

和同寅劉西郭中秋韻

詠雪和劉螺川韻

壽南山徐大尹

題徐南山德政休徵冊

壽如齋弟五旬

壽素亭桂經府六表二首

贈靜軒桂司膳六表

壽純一童安州親家七表

鳴春集

目錄

賀松坡畢主政端陽誕日

臥病廡下辱南山徐侯垂問詩以謝之

題折桂圖勉子柯

和徐南山聞子規韻二首

和劉西郭望九華山韻

和劉西郭五溪早行韻

校諸生有感

獎後寫懷

寅丈陳古泉擢東流學諭惜別

賀楊壽相八表

往池陽道中寫懷

賞素亭牡丹

禱雨自嘲

憂旱

壽桂耆老

和劉西郭雙頭鷄冠韻

重陽祀舒姑有感

饑歲自悲

鳴春集

目錄

送南山徐侯行二首

賀鳳山施三尹暨夫人雙壽二首

送楊經府署印歸池陽任二首

和默齋黃大尹道中望九華韻

春堂書屋和黃默齋韻

雪初霽飲芝峯新庄

賀默齋祈雨有感

賀黃默齋祈雨有感和劉西郭韻

和黃默齋過績溪紀事韻

嗟貧

月下寫懷

卷之三

七言律詩七十六首

校諸生值中秋無月詠此以期之

八月十六老母邵宜人壽日有感

愧攝縣事

雪後訪李宜晚

默齋黃侯伴吾儕赴池陽和劉西郭韻

鳴春集

目錄

和周後溪儒官韻因以慰之

題太極巖

題崇壽寺

遊仙壇宮

九日登開福寺

賀默齋黃侯壽日榮獎

壽筆峯沈上舍二首

憶默齋黃侯往鎮江

賀陳西郭受職值冢器成婚

壽桂東塘八卷

賞李宜晚舊遺牡丹和韻

送揭陽卓齋行

九日同寅丈石南丘劉西郭登開福寺

寫懷

和默齋黃侯徽行紀事韻

送周前川北

觀

慰黃公子下第

鳴春集

目錄

九

往寧國舟中卽事

旅邸鬱悶懷默翁先歸

和東谷趙大尹韻因以賀之

和東谷趙大尹祁山道中韻

和東谷趙大尹望九華山韻

寒窓寫懷

禱雨休應賀東谷趙侯

題陳公古泉道澤遺思冊

謝松亭陳安州賞牡丹無花

和東谷趙侯九日見懷韻

賀寅丈王公清野得孫

端陽雨中卽事

別寅丈彭右泉擢西平掌教

題田都閭冊

題竹亭晚翠冊

題世樂堂

和大尹經梅窓韻二首

芊原發舟往建寧

鳴春集

目錄

道中卽事

象太平有感

聞桂

遊鰲峰和張梅江先生韻

暮春

送春

抱歛鳴春集

以上三首俱和張梅江韻

觀鷺戲吟

月蝕與張梅江聯句

途次遇風雨不可渡返宿宦溪和經梅窓韻
過烏巖嶺

宿鎮安寺

曉發白沙驛

寂寥

乙卯寒食前一日遊烏石二首

鵲窠報瑞

賀張梅江先生生次子

登東鼓山

鳴春集

目錄

十一

元

題賀石溪德愛別情冊三首

懷子下第後省親

嘲債將

臘月十六日立春

和鄭漱石補漏屋一首

哭如齋弟

慶張運同先生重封

憶如齋弟

懷庠留別諸生
以下四首亦魏生煬錄藏者并入泉峯卽其尊人也

雪峯寺中取竹栽衙內得向東魏泉峯郡博
守王槐坡春元燕集魏郡博泉峯菊圃

謝魏郡博泉峯送疥瘡藥

閏重陽和大司成龔雲岡先生韻

送劉上舍遠戍滇南

卷之四

詞三首

賀節推厲文峯徵擢詞 并序

鳴春集

目錄

二二

二五

賀寅文鄭東岡典湖廣文衡詞 并序

題折桂圖勉子肅

歌三首

壽松竹我軒歌

悼荒歌

遐齡歌賀鳳山施判簿暨夫人雙壽

頌一篇

德政休徵頌贈南山徐侯

贊一篇

章君行樂像贊

墓誌銘一篇

宗姪春谷墓誌銘

聯一十九對

懷安學聯十一對

石埭學聯六對

家堂聯一對

石峯書屋聯一對

卷之五

鳴春集

目錄

序一十五篇

贈督學陳公金閭惜別序

贈司諫李公出使占城序

贈龍山鄭君出宰金斗驛序

賀池州少府戴公嘉獎序

壽周母太孺人七表序

詩經牖的序

賀首泉王節推榮獎序

贈少尉鄮南周君述藏序

序世澤流芳冊爲沈筆山壽

石埭縣志後序

送寅丈南丘石公致政還鄉序

懋績流聲冊序

贈哀梧岡南還序

世樂堂序

東山清玩冊序

卷之六

記七篇

鳴春集

目錄

遊齊山記

一四

湛然記

德政休徵冊記

章松岡圖記

李宗美號南館記

福州府重脩射圃記

竹亭晚翠記

卷之七

文二十四篇

祭漢陵陽令竇公子明文

祭唐翰林學士知制誥杜公荀鶴文

祭宋秘閣夔州安撫謚恭愍丁公黼文

石埭學名宦祠祭文

石埭學鄉賢祠祭文

祭轆轤文

文昌祠祝文

文昌新象成奠神祝文

舒姑廟祝文

祭上舍羅南泉親家文

祭蔡老夫人文

通學祭蔡老夫人文

祭經衛章嶽峯文

祭周蓮幕母文

代石埭尹祭周蓮幕母文

祭貢士周小航親家文

代徐南山門生祭徐太夫人文

謝雨文二篇

舒姑廟引咎祈雨文

祈雨疏

謝火文

代朱宗王陳少叅祭大司馬張太夫人文

祭福州判府劉西村文

卷之八

解一篇

放心解

說三篇

鳴春集

目錄

十六

默庵說

風雨歸牛圖說

四慰說

跋三篇

跋椿庭遺哀卷

題古泉陳公道澤遺思冊後

跋祠堂祭禮誌後

馮北湖先生鳴春集卷之一

慈谿馮光浙邦鎮甫著

第三男輯錄

第九孫燧校刊

賦

鳩窠賦

懷安縣學明倫堂梁上

嘗聞玉樓翡翠兮白老揄揚烏衣居室兮鷓產鸞凰
神女腰舞兮寢殿呈祥紛百禽之止屋兮未有巢於
倫堂繫文鳩之爲鳥兮獨超群而異常騷人之詠君
子兮云鳴鳩之在桑曷違性而成窠兮迺擇地於懷

鳴春集

卷之一

庠堂高敞而空廣兮可頽而可頽相呼逐而鳴鳴兮
恍若和絃歌於宮商謾拮据以將茶兮構葦若於畫
梁育卯于窠兮日蕃且昌新翎習習兮班乎其有章
飲泮泉兮食蕉黃挹清風兮吞蟾光知陰晴而不爽
兮性靈孔臧烏從九而象形兮挾洛數以高翔神化
誰謂羽族之拙兮智巧中藏適造化之秘兮瑞闕
廟廊佇看中秋曉曙兮淡墨生香鹿鳴醉歸兮驥足
騰驤仙飛桂窟兮免禱玄霜美茅茹之彙征兮驗余

言之匪狂

秋行賦

癸丑之秋將命建寧携琴抱書行行驛亭晨光熹微
啓明有星僕夫戒道策力長汀登萬斛之仙舟冀千
里而一瞬時和兮晝永風徐兮浪定披道袍兮揮塵
尾掃俗冗之塵心憑曲欄兮玩流泉
茶洋驛有清風亭景發騷
人之餘興但見連山夾水倒影若浸山之高巍巍兮
不碍鳶飛水之濬溶溶兮適愜魚性予曰此道真也
可以觀化育之無盡平沙遠布兮洲渚雜陳雙鳧求

鳴春集

卷之一

一

江

類而迎鷁兮不知畫鷁之非真群鷗忘機而太劇兮
不知矰繳之欲親予曰此物情也可以觀世故之沉
淪兀然獨坐若有所得忽此心之空空兮泯勢利之
隕獲奉主翁之惺惺兮視萬感之皆客於是援琴而
鼓文王之操既而曰黠黑頑長兮眼如望洋非孔聖
之知音兮其能彰高技於師襄然形象彷彿兮道德
難量至其不顯之齊天兮豈能盡於一調之宮商再
鼓雙清梅花之操既而曰我觀鶴兮一塵之不染我
觀松兮歲寒而愈貞鶴得松兮白顯松得鶴兮青增

其相湏爲清者乎不若梅花之調先春發兮足生意
於初陽與雪爭白兮噴馥而雪降于誰讀書兮梅林
之傍伊吾洋洋兮皆謨誥之文章聲透梅林兮典籍
生香此尤音律之至清非松鶴之可當翳神倦而體
疲兮鏗舍琴而引觴挹清景而謾酌兮式微醺而覺
狂迺掀髯而歌大風兮誇赤帝於飛龍威加海內兮
徒逞馬上之英雄求得猛士兮安知創守之靡同非
嗣皇之養賢兮尚未卜漢業之攸終又仰天而歌正
氣兮厥聲激烈剛大所遭兮金石皆缺猛不顧兮恥
身凜難當兮節鉞精忠竭兮貫日月勒鼎彝兮垂竹
帛磊磊落落兮盡振世之豪傑醜偷生而退怯者紛
懣懣乎其忠貞之節嗟正氣之旣餒兮安望其膺大
難而不折歌罷而起冰輪已盈時值中秋兮氣爽月
到天心兮愈明魄落梨花兮盃有月對月含盃兮和
月傾年年中秋不忍負我有情兮月無情豈是嫦娥
愛年少吾兒忝有稱時英明科乙卯兮玉兔當秋定
擬兒曹兮廣寒齊遊雲端恍惚兮織織手高枝天香

兮插滿頭

五言古詩

與姚明山陳閑山王松澗鄭雲川周後溪馮際
明諸公會講普濟寺倚山面湖也觸發道

機而賦

七賢萃古刹禪堂作講堂經書并子史所言各一方
要歸無異指斯道自有常吾儕出所見淆亂相參商
虛懷折諸聖去短從其長倦餘玩景物迴麓浸滄浪
連山垂倒影一碧含嵐光月沉波底壁風度花裏香
茅亭隔松塢蘆叢隱釣舸一鶴從東來上與鳶翱翔
於物淵魚躍恍然蛟龍驤滿目皆化育萬象昭文章
頓覺胸次豁真空不累良樂山又樂水仁智兩相忘
行歌且互荅携手任徜徉荒村不知漏慈燈照石床
賀施鳳山暨夫人雙壽

鳴春集

卷之一

四

科

鳳鸞不栖枳歸老竇山村覓取長生訣燃鼎丹猶溫
椿萱喜同茂繁陰庇蘭蓀種德六十載天心益固存
脩齡羨龜鶴斑斕舞躑躑紫霞觴四集共祝齊崑崙
華堂鬧笙鼓絳桃作盤飧梅窓春信蚤三墩桂已根
明秋發天香月窟嫦娥奔雙雙碧眼豁窺甕思欲吞

往建寧候李太宰拉魏泉峯郡博同遊雪峯寺

阻雪贈別

夕慕禪林勝相期共一遊那堪風作惡况值雪深秋
山靈應有約魂夢到丹丘絕壑雲初合幽巖凍不流
經春花六出滯我探奇輜悵望仙棲地翻成雪夜舟
日昨青爲嶂朝來玉作儔豐年如此兆何必上方留

七言古詩

壽山溪鄒先生六旬

鍾山有罅出青泥流入長溪味若飴溪畔高人時漱

鳴春集

卷之一

五

淮

滌勝從菊水挹漣漪庭前有榦纔初度鵠籠頻放祝

期願南極光聯奎昴宿江左江右兩地熙山溪乃侯官判簿鄒

東川之兄江右人也寓居南都故云兩地白雲在望山溪遠爭能合奏塤

與麋子瞻嘗爲子由壽黃杖香盤代玉卮川翁不踵

坡翁迹却效石生千軸詩珠璣滿目日星爛穿雲鶴

曲難爲奇願得百歲常如許雙雙伯仲相追隨一觴

一詠碧眼豁何必蟠桃與肉芝

日出吟和韻

蚤起開篷看曉山片帆催鷓煙水間敢云日出仍虧

睡此志常懷愧素餐身在官家不自得暫時聚首復
還別朝朝匆冗暮少閑相與含杯共吞月四傑巍巍
砥中流風波任爾自悠悠同盟莫負君民望千古芳
名青史留

瑞芝

懷庠泮裏秀靈鐘鐘出龍樹逾喬松朱圓映日祥光
靄玉膚含露瑞氣濃結成紫芝奇且古龍口突然如
舌吐風度鬻宮龍舌香影浮芹泮龍鱗舞他人不見
獨余見指示諸髦盡歆羨人各自謂天工巧有心安

鳴春集

卷之一

六

排兆龍見英雄飛躍乙卯秋岳值火龍出狀頭芝產
龍樹已不偶龍年龍瑞瑞之尤三山兩狀誠足異又
到吾庠拔良驥良驥育得滿郊原纔逢伯樂識良枝
願移此芝在上苑雲衢龍馬獲大展瑞家瑞國瑞天
下不但區區稱瑚璉好笑吾兒越分誇焉知此瑞非
吾衙人生事業在立志擬取長安第一花

五言律詩

寄宿素亭和黃默齋大尹韻二首

未滿中秋月袁生懷欲開謾將玉宇調共賞素亭綠

又

恍見霓裳舞如從太液來醉翁風度逸還覓過墻醅
寄宿素亭畔芳筵傍竹開秋空懸玉玦夕景稱瓊杯
露醉汀花冷風傳野笛來箇中無限趣盡把付新醅
和東谷趙大尹青陽道中韻

匝匝雲山遶漣漪煙水流草深茵綠野楓老葉紅秋
遠浦波浮鷺平沙風起鷗何愁詩料澁景物望中收
王相彭雪泉題北湖號和韻酬之

慈湖道脉遠志欲挽頽波尋派因尋匪非江亦非河
鳴春集 卷之一 七 五十六

影沉奎壁動汀宿鷺鷗多山下雪泉溜合流可若何
書院校士適有二娥冒雨遊烏石士皆延頸詩
以戒之

兩沮遊山與二娥興自賒嶺高出屋上入小入松遮
野眺移文思收心任物華太虛雲過後此景更還嘉
遣懷

曾抱翽霄志一飛九萬程時乖翮未勁運舛志難行
芹泮光浮碧鰲峰影落泓絳帷臯座煖也不負平生

悲敗軍

倭夷只二百吾陣幾千兵將卒雲煙擁旌旗日月明
俄聞原草赤隨處哭聲盈未戰先奔潰誰爲萬里城
嘲劉西郭先生得妾

黃花羞白髮白髮戀黃花粉蝶窺香蕊金英歛艷葩
風狂清影亂露濕顏容斜把鏡東籬照應知着脚差

七言絕句

過夾馬營

柴主聲名被九垓區區夾馬育香孩天心厭亂開隆
宋誰道黃袍許固推

鳴春集

卷之一

八

五

蔡介齋先生南歸惜別

故人發棹埭江涔一片帆飛一片心秋鴈不過衡嶽
外怕聽黃鳥弄清音

風竹

淇澳分來一種奇此君原是七賢遺東風吹向章江
去疎影依稀入絳帷

晴竹

煙鎖新篁院落深青梢拂散一天陰開簾嘯詠不知
暮月滿踈竿瑣碎金

露竹

秋老瀟湘曉色晶筠林露湛十分清丹丘寶甕今存
否勝似瑤臺玉掌擎

兩竹

脩筠帶雨綠梢低洒透叢中玉束泥生意欲濡濡卽
化龍孫千畝鳳來棲

壽南山徐大尹

澗澗南極照南山中有蟠桃不計年化作鹽梅調傳

鼎聲華直透九重天

鳴春集

卷之一

九

諭牡丹

百寶欄中一捻紅年年此際笑春風洗粧已載金樽
酒早放檀心把帳蒙

牡丹對

名園國色冠千英露湛常含不語情直待採花郎識
賞艷容未許委狂生

謝桂素亭折枝牡丹

本是名園富貴花妖容不戀王翁家東風吹送銀罌

裏一捻遺紅依舊嘉

賀桂素亭得孫

明珠到掌慶克閭果是尼翁抱送渠昨夜驟聞龍種
信幾乎錯寫弄麈書

春遊

山迴溪轉柳堤通童冠相携浴後風莫道古今情趣
別千年桃杏一舫紅

夏眺

榴林陰下試觀瀾誰泊漁舟把釣竿擲脫紛紛塵世
事浮沉只在一橫灘

鳴春集

卷之一

十

秋思

霜餘紅葉點蒼鬼菊伴芙蓉傍水開清艷總輸仙窟
桂攀回爭羨異香來

踏雪

騎驢謾踏破瑤華踏到寒廬雪煮茶童子折梅回小
艇東風旋度過西家

送虞南坪歸池陽任

重陽將至菊將花欲效風流老孟嘉文旆翩翩去何
速齊山深處候公車

九日復遊仙壇

向來遊寺桃正發今日再遊菊已黃千載物華幾變
換白雲仍舊鎖仙岡

憶大尹趙東谷南巖未回

陵陽山上德星明何事清光照

帝京莫戀石頭風物好舒溪魴尾色還頰

和東谷趙公早發郡城二絕韻

一出長堤風漸輕松聲隔浦應珂鳴紛紜新政關心

切雙旆何嫌盡日征

鳴春集

卷之一

十一

五

山蹊屈曲去復回纔到江村景象開野雀相將解人
語聲聲叫道令君來

奕葉清風竹

筠林影亂籟聲颺趣引諸賢逐隊遊縱是此君堪嘯
詠也因異女動風流

高岡舞鳳竹

嶮巖石峻翠篁垂梢軟乘風左右麾恍似鳳凰餐實
後飄搖采尾欲來儀

楚天春霽竹

湘江初煖綠筠森六逸酣歸興轉深雲散月明清夜
爽踈竿漏處勝篩金

恩承雨露竹

上林脩竹綠猗猗未許邕翁作笛吹生意若濡新雨
露化龍陸海未嫌遲

端陽有感二絕

雨餘簾外寂無聲假寐橫肱午夢清何處襲襲人競
渡虛堂靜聽不勝情

無蒲無黍過端陽閩俗何如楚俗良高臥北窓陶夢

鳴春集

卷之一

五

孰有誰喚醒浴蘭湯

感秋

桂窟舒英兔竊丹素娥看罷倦凭欄登高收拾仙宮
景勝對芙蓉映碧濡

雪夜寫懷

夜半俄聞折竹聲龜寒僵臥一衰生且將地爐煨榾
柮那得烏銀到敝甕

又

何須金帳淺淺斟茗椀清香趣亦深東郭履穿詩思

澁臯北座外任浮沉

題長林四景化鯉溪二首

仙鯉浮游煙水中古祠衰草舞清風誰知雲洞餐桃
後却樹千年血食功

採藥餐桃勝服丹恍然化鯉落前灘絃歌聲寂荒祠
冷千載煙霞鎖素欄

釣魚磯

竹馬雲驅到水心一竿垂釣任浮沉白魚丹字成殘

夢芳沼空留月躍金

鳴春集

卷之一

十三

牧鴨湖二首

一泓清淺漾微波可似方塘活水多乳鴨眠沙芳跡
古至今猶羨鶴曾過

到處清湖可浴鳧芳名何獨屬斯湖方塘一脉源頭
水曾有靈馨活潑無

回驢嶺二首

山南山北暮雲低嶺上閒關鶯對啼千里相逢便回
首蹇驢踏破落花堤

雲樹陰森訪俊英嶺頭邂逅話平生蹇驢帶却春風

轉吹動花香萬古清

以上七首俱刻石埭縣志

陳松亭憤周蓮幕炎涼和韻以慰之

其一

君子花開倚二天清標還數竹林賢可憐幕外長煙鎖那得祥風入綺筵

其二

水石窩中樂性情任他誰辱與誰榮青松爲伴鶴爲侶且學桃源洞裏人

養正書院校士

鳴春集

卷之一

十四

雪滿庭除映白顱輔仁堂下忝師模臨風校士青氈冷早去家煨滑拙爐

秋日寫懷

只爲平生志未行雙豚也望會南征紫薇堂上踟躕者可育吾兒聽鹿鳴

又

皓首烏紗近古稀淹淹何日是歸期子規頻道家鄉好那得天香襯馬蹄

又

七十致仕禮經傳予過甲子許多年可憐首宿晴窓
外又被綿綿野蔓纏

咏芙蓉

美人蕉畔植芙蓉嫩蕊含風笑晚紅何似青青數竿
竹倚梅厲節共凌冬

和鄭漱石慰免倭寇二絕

自古慈民不識兵尋常春圃植華平倭奴毒熾寒廬
幸一邑閭閻半已傾

一邑閭閻半已傾此情誰肯奏

鳴春集

卷之一

五

承明書生盡破愁顏在安得將軍一劔橫

陞周府義寧王教授不就

閩中已遇八重陽今日始遷登仕郎雖可王門曳長
裾那如慈母倚閭望

見學士談玄有感

虛談不是道精微爭似風雲與浴沂造詣若從無妄
入悠然胸次盡忘機

丁亥中秋侍石峰公夜酌無月

月入烏雲類隱山興濃無計可躋攀但求橋茂常幽

賞今夕韜光明夕還

冬日偕經大尹梅窓胡侍御六華許東川郡守
王槐坡春元燕集魏郡博泉峯菊圃席上和
彭澤籬邊一種香獨餘秋色領重陽也知遲晚成佳
節故遣春風笑海棠

乞魏泉峯郡博菊植齋內得兩詩以酬之

為愛籬邊菊徑開蒙君移種過園栽天公有意賂佳
興故遣東風送雨來

別桂

鳴春集

卷之一

十六

九載堂前作主賓濃陰侵坐助詩神于今後會知何
日月裏婆娑面目真

送懷庠陳春元

元 玢上 巳酉庚戌聯第至郡守
侄孫府庠紹益錄呈入

飄飄琴劒出榕城一曲驪歌送爾行此去

皇家收琬琰好將底蘊答昇平

馮址湖先生鳴春集卷之一畢

馮北湖先生鳴春集卷之二

七言律詩

阿城登陸

阿城水涸澁行舟二友相携共陸遊
謾逐賓鴻來薊北忍聽杜宇叫枝頭
涼生柳徑忙馳驟煙鎖榆村恨
逗遛望斷長安何日到黃雲四野麥成秋

長至日寓金臺寫懷

至日行人已閉關化機從此又循環
雲餘梅漏東風信雨後楊舒淑氣還
堂北料曾供鞞履日南徒憶舞
欄斑何時得踵陽春脚會到鄉閭豁皺顏

鳴春集

卷之二

除夕立春寓都下自嘲

紫陌諠譁守歲除東風薦地到州閭
共憐鵬去驚鷄唱獨喜春來拜鳳書
椒頌花鋪新錦綬驅儻神捲舊
藍裾一生否泰今宵判食有魚猗出有輿

又次前韻

殘鵬猶存未盡除陽春已煦燠
寒閭家家餞歲仍迎歲在在
新書雜舊書爆竹聲收聽畫角
椒盤醉後曳華裾從今也作
官僚相早蓋悠悠拂道輿

和邵博王立齋咏閒韻

兩對

彤廷已就閒如今識破利名關日穿漏草方知曉雪
煮香茗欲破慳靜倚南窓忘客慮豪吟夜月任時艱
徐徐直到陽春後路柳村花壯笑顏

贈邑博徐粟夫號川月

巖陵灘下弄真丸恰似水輪轉碧瀾風靜水平沉白
壁光浮波動漾金盤袁郎渚裏蟾輝燦太液池中兔
魄團始信此心有川月清明極處不勝寒

鳴春集

卷之二

二

贈邑博邵文明號石銘

羨君三戒志彌堅白石丹銘費勒鐫螭首分明標坐
側龜趺端重立參前他山自古誇攻玉媧鍊從來會
補天省已肯如曾氏約不愁無路到名賢

贈邑博胡思道號兩峯

五嶽差莪有定名兩峯東據復崢嶸霞橫疊嶂文錐
聳雪積層巒玉柱擎江映連山垂倒影日穿岫闕露
晴明高賢自古鍾靈秀第一峯岐列二屏

壽別駕徐寅齋

特五十有九矣

長安旅館沸笙歌，盡道仙翁宴欲訖。撫字關心眸易碧，動名纔著鬢成皤。梅梢已露東風信，柳眼先窺甲子過。願得騎箕同傳老，蒼生歲歲浴恩波。

壽新城沃先生

樓外枝橫雪壓梅，鶴飛曲奏壽筵開。長庚輝映西湖水，南極光回北薊臺。椿幹森陰沾雨露，芹香縹緲落罇壘。幾時分得蟠桃種，閬苑緋花點翠苔。

壽蒲內相

一帆風順促官舟，晚泊河亭覓酒籌。南極垂光侵玉笋，長庚倒影落金甌。遷翁碧眼書青史，巷老黃眉咏畝丘。摘得蟠桃三四顆，不知倏度幾千秋。

題李松峯號

層嶂差我列翠屏，松聲蕭瑟度閑庭。蒼龍臥石懸橫影，白鶴棲枝點破青。蔭裏長哦當日午，風前着屐采雲苓。袁微去後君爲主，柱棟明堂付寧馨。

又

孤松鬱鬱秀高峯，勁節貞心孰與同。山卉競菲敦雅素，霜林凋後獨青葱。龍蟠雲外嵐光曉，琴響風巒碧

落空分得玉鍼庭院植培成梁棟獻于公

慰姪下第受侮

英雄暫屈必還伸起蟄蛟龍氣象新金鼓聲喧殘角
曉旌旗光映蓼花瀕煙籠鴈塔題芳字風逆金書訝
里人寄語阿咸堅立志管教迂叟伏車塵

有為戒子

世情冷煖逐風塵怪爾書生懶立身熟睡不聞鷄唱
曉分心馳聽鵠鳴春平居滿許追秋奕當局何曾勝
敵人濯足濯纓渾自取莫嗔戚里慢蘇秦

鳴春集

卷之二

四

過茶城

劉項英雄本頡頏雙雙逐鹿向咸陽可憐一炬焦秦
土何似三章攬帝綱泣對虞騅悲不利忍聽夫老勸
圖王萬人敵去茶城在黃鳥嚶嚶柳色蒼

過滹沱河

滹沱一派接流河霜肅水堅渡鐵戈帝命未違恢漢
業人心協濟絕群魔半匙麥飯名猶在再造金甌烈
可多河水恣恣人寂寂西風衰草逐頽波

聞

廟貌清幽妥

列神烝嘗於此致明禋謝仙威熾催爐焰颺母風生
促火輪地楮共憐鐘簾燼煙迷誰解帝心仁
重腫功德潛孚父可是群工忝縉紳

贈蕭君母子節孝

母貞子孝萃雙賢第遠江流淑氣全堅矢栢舟心最
苦痛培萱草股如煎孤飛鸞影孀閨曉反哺烏聲古
樹旣奕奕芳名傳太史褒章列傳爲君鐫

鳴春集

卷之二

五

挽郎掌科母夫人

令子當

廷對未闌忽聞訃報老萱殘寂寥鏘珮蛩吟壁慘淡
霞帔月照欄冥府縱成牛宿伴華堂非復鶴齡壇從
今母道將誰式燁燁丹銘任意看

挽陳生讓

壯士英雄壓萬夫猛然僕隸報而殂明秋擬折蟾宮
桂今夕俄窮驥足途椿徑風撓驚賈鵬隳園露滴泣
萊烏白雲散亂歸何處泮水橋邊月影孤

挽李生臯仁

憲府清波遠益流
雄才世出人頭群
心誰似而心苦
百日曾教一日休
半榻春風空自煖
殘燈夜雨動新愁
可憐少發携孤子
頻向西山泣晚楸

又

伊吾不斷惜分陰
擬對嫦娥問好音
月下影單黃鳥寂
風餘書亂蠹魚侵
館南無主將誰伴
岫北生雲有鶴尋
遶樹猿啼幽嶺暮
道傍行旅亦傷心

過九華山陰

鳴春集 卷之二 六
迢遞肩輿路轉南
征夫盡道九華嵐
嵬峯峭立虬騰漢
怪石低懸馬飲潭
三面卷阿春布綺
一泓曲澗曉拖藍
奇觀不止山陰景
擬到山陽再駐驂

過五溪登玩華亭

遙望群峯勢插天
槎牙列戟出橫煙
五溪清淺留騷客
諸洞幽陰萃逸賢
春霽綉屏添麗彩
雨餘素練掛長川
幾時跨馬浴溪去
直上華山第一巔

公幹遇風雨泊江洲

兩岸桃緋絢綵霞
朔風猶暴阻輕槎
勢傾檣楫誰無

懼心主忠誠莫浪嗟謾泊沙汀伴鷗鷺更循蘆渚弄
魚鯁何時蓬轉南風便一瞬都城看闌花

又

池口匆匆發驛舟颿衝綵鷁幾時休濤生豹吼磯翻
白浪激鳧飛柁轉浮柳絮隨風頻撲面桃花和雨亂
侵眸石頭城裏春光好爭似長林一詠游

赴南山徐大尹燈宴得春字韻

陵陽宮隱已三春江左風流逐舊塵結綵有山蛾火
鬧傳柑無宴宿盤貧柳梢搖月鶯呼友花院攢星鴈
鳴春集 卷之二 七 江

樂賓簫鼓聲喧忘漏盡出門猶欲踏燈輪

端陽有感

連朝密雨洗梅黃初霽羣葩競吐芳淑景正宜吞艾
酒閑身且去浴蘭湯羞將龍鏡形蒼髮還憶梟羹到
赭庠閉閣觀書消永日荆妻莫問獨醒郎

和同寅劉西郭中秋韻

乘月登樓踵亮公恍然空裏叫東東却緣兎搗三更
藥驚出娥來一畝宮今夕今秋君共賞明年明月與
誰同昂頭且向金波嘯更有衰生在舫中

詠雪和劉螺川韻

絳帳橫遮不見天，講餘披氅出堂前。
千峯積絮埋瓊樹，遍野飛花恍玉田。
帶白鴉棲疑宿鷺，掩朱鶴舞類搏鷲。
此時幾室能溫飽，還有袁生閉戶眠。

壽南山徐大尹

南山南極兩相便，奕燁光芒射峻巔。
倚石蒼松來鶴舞，綉巖青蘚任龜延。
正聽埭里無疆頌，又報琴堂有玳筵。
願得大椿垂蔭久，相看老榦柱中天。

題徐南山德政休徵冊

鳴春集

卷之二

旱魃生灾野欲焚，埭農力瘁不成耘。
桑林禱罷隨車雨，黍陌青回布隴雲。
誰道一誠祈應速，也須夙德感孚殷。
側身若匪周宣薦，縱殺巫尪夕有曛。

壽如齋弟五旬

南極流光射四明，老椿根畔紫芝生。
烏紗艾髮還桑畝，竹杖芒鞋踏翠坪。
松院風清傳鶴曲，梅庭月皎映桃英。
倍年共到期，願後迭奏塤麓悅鳳聲。

壽素亭桂經府六袞二首

長林古榦傍青湍，直向凌峯竇老壇。
南極星輝爐漏

火蟠桃色瑩竈凝丹華筵何必餐瓊葢碧眼還能看
綵欄真會莫嫌三豆少穿雲鶴曲足成歡

椿萱真慶欲騎箕共羨庭前有桂枝筇杖相携雙白
首霞觴並獻兩黃眉寧馨正效婆娑舞月姊從旁仔
細窺轉眼香風來帝里壽筵開處報金泥

贈靜軒桂司膳六袞

林泉養靜幾多年靜極真完壽自延椿榦陰森周六
甲挑英豔冶歷三千鴿籠放處聽華祝鶴曲鳴時訝
逸賢更喜庭前蘭蕙茁斑斕五綵映苔鮮

鳴春集

卷之二

九

壽純翁童安州親家七袞

登高宴罷謝朋賓忽憶純翁屆誕辰南極光流慈水
遠嵩靈祝應埭山神菊花叢夾椿柯茂竹葉香浮鶴
曲頻覓得仙壇桃數顆

石埭有仙壇

西風吹送越江濱

賀松坡畢主政端陽誕日

昔泛蒲觴慶令辰蘭湯倏報浴麒麟長命何須纏臂
縷真英不藉試啼人門懸弧矢仍懸艾雀瑞庭柯果
瑞娠甕裏寧馨

廊廟器今朝躍出到雲津

肅捧

臥病廡下辱南山徐侯垂問詩以謝之

除書蒞埭庠漣漪一泮味清涼盤中首肴欺香藻榻
畔苔蕪繡石牀壁漏半帷侵曉露籬疎滿座逼斜陽
夜來忽報仙車至頓覺幽人發異光

題折桂圖勉子柯

奕燁文光氣吐虹風雲送入廣寒宮天葩影裏金臺
躍仙窟叢中玉虎通帶露攀枝不欲潤披霞摘並袖
施紅兒曹蚤挾生花筆管取嫦娥愛阿童

鳴春集

卷之二

十

和徐南山聞子規韻二首

其一賀南山考績

陵陽花柳夾雙溪春鳥喧繁向月啼莫認蜀魂傷故
國多應黃舌弄金衣風光正是敷仁日駮路難羈奏
績時赤子依依空臥轍蘭臺虛位候

綸絲

其二自朝

天津不在九華溪何事村鷗徹夜啼驚破西堂生草
夢喚歸故里着斑衣行觀血染山頭樹忍見雲飛日

暮時幾效澗明賦歸去何禁二月賣新絲

和劉西郭望九華山韻

三載池陽鳴教鐸華陰幾度歷郵傳征途久頓騰驥
驥對嶽聊斟藥玉舡興逸怪無安石賭筭空幸有越
勾川豪吟欲寫彈冠志為向詩城乞一聯

和劉西郭五溪早行韻

五溪渡後漸蒼涼行露灑灑濕聚裳謾憶曉山紅日
遠慵看春嶂白雲橫馬循柳徑馳驅熟袖襲花風笑
語香長嘯一聲襟度豁莫愁嘲我為愁狂

鳴春集

卷之二

十一

校書生有感

四明狂客擅時名垂翼終淹萬里程不向木天頻視
草却來片泮肆論評花磚誰步金蓮影絳帳曾聞玉
笛聲位有崇卑道無二杏壇風味賸餘清

獎後寫懷

講壇英彥達天衢吾道從今到處敷胡定風流春尚
在何人霜簡昨成誣久專督校情臧否無預他曹辦
棘梧不是橫江御侍精藻鑑誰誇宿德稱師儒

寅丈陳古泉擢東流學諭惜別

埭竇道範五經秋忽報除書渙

鳳樓驛使半函來

北闕舒溪一派轉東流倉庚鳴午留行轍桃李乘風
逐去騶兩地情牽清夜月啼猿何處動人愁

賀楊壽相八袞

陵陽頂上南極光影落東山九醞觴張老遺踪博山
古彭翁芳跡岳溪長經看世事知多少贏得兒孫肯
構堂菊水遠將無別祝明秋桂子和桃香

張果老彭祖皆石埭

人故云

鳴春集

卷之二

十三

往池陽道中寓懷

獵獵霜風徹骨寒肩輿設涉五溪灘啓明竊幸懸鈞
月遮道生憎倒影巒蜀鳥聲傳歸去好楚猿喚醒別
離嘆嗟予本是清閑客未得忘機脫野干

賞素亭牡丹

年年亭下賞名花恰似今年花更嘉低向故人渾欲
語轉逢狂客又還啞千重簇錦含清露一捻遺紅映
綵霞聚散纓情且留戀明春知是會誰家

倚雨自嘲

旱魃爲灾黍稷荒沙門致禱倣巫襍素旗影動舒溪
水石磬聲喧古刹堂鉢底天龍徒自繞瓶前花雨不
成滂獨慚道範逢時否蚤暮隨班禮梵王

憂旱

賢侯禱雨踵桑林昭假無羸帝不臨岫口曉雲歸洞
裏墻頭夜月映江心三農淚滴焦禾露百里吁成赤
土稷畎畝若還流澤溥相從花院聽鳴琴

壽桂耆老

優游三徑却紛塵雪鬢霜髯老益神竇鼎煙浮丹正
鳴春集 卷之二 十三 五六
煖申崧瑞藹柏常新蘭庭兒舞烹葵蚤桃洞賓來放
鶴頻分付穿雲曲徐奏商風會送桂枝臻

和劉西郭雙頭鷄冠韻

百花叢裏宋宗鷄亦憤雙雙挺泮西長晝風搖渾欲
闢清朝露壓恰如啼無聲懶去酬窓語有足難移戀
故栖造化若令生羽翰文翎可與鳳苞齊

重陽祀舒姑有感

佳歲重陽禮孝姑謾遊開福上浮圖鶴林花裏看金
菊桑落杯中泛紫萸風影頰殊餐首菡情文非故憶

尊壚荒涼縱有登高興可柰駒瘠與僕痛

饑歲自悲

十載辛勤博一官
羶寒又遇歲多難
秋風颯颯門庭寂
曉日團團首宿殘
倚竹題詩肱少力
采芹和粥腹常寬
不如收拾催歸棹
早向卷阿去考槃

送南山徐侯行二首一以惜別一以預賀

三年聚首幸非常
政教相須樂未量
鸞鳳豈堪棲枳棘
驪駒忽訝出關疆
子明花柳春光短
漢竇子明嘗為石埭令

召伯甘棠風味長
旌旆翩翩攀不住
兩情相憶幾時

鳴春集

卷之一

十四

王六

忘

羨君勘破利名關
遲速行藏任好還
暫寄小邦淹捷足
又將壯邑試諸艱
蒼生戀戀徵吾德
白簡稜稜動聖顏
錯節盤根千將顯
光隨飛舄射崇班

賀鳳山施三尹暨夫人雙壽二首

一自山陰稅駕回
堂成綠野勝蓬萊
歲寒椿榦堅常茂
臘底萱根老益培
瑞氣融和侵壽筭
曲聲嘹亮徹僊臺
賓筵莫限耆英會
梅報春餘桂便開

何處笙簫奏鶴飛
竇翁壇後極星輝
賓朋交集稱嵩

壽杖屨相携出綺闈
牆短風吹蘭桂舞
簾疎月透蠟膏微
桑蓬初度雙眸碧
會見

恩光下紫薇

送楊經府署印歸池陽任二首

秋浦風吹入幕賓
鳥飛到埭活羸民
俄看花柳增新色
始信麟騶有異仁
武邑絃歌聲正洽
宓堂琴弄響隨湮
政成三月誇神速
擬見徵書渙

紫宸

昧旦齊山雨
乍晴德星光
射古猷城規模不費紛
更

鳴春集

卷之二

十五

良

力惠政相將次第行
閑憇桑陰仁翟雉
重燃丹鼎壽蒼生
梅花方兆春光好
又被風飄上

王京

和默齋黃大尹道中望九華韻

礧口灣回翠巘連
飛巒隔斷半邊天
晚輿不見山西月
曉旆輕拖嶂裏煙
牛馬飲泉奇石怪
虬龍趨壑絕崖懸
蓮花峯下名賢迹
那得依棲泝活源

以下四首俱刻石埭

志

春塘書屋和黃默齋韻

抱水依山構草堂山前活水瀦方塘携鉶灌藥知春
早倚竹哦詩覺晝長清士何妨多逸興濁醪時有過
隣牆養高固在尋幽僻樂處還從肯漱芳

雪初霽飲芝峯新庄

芝庄速我賞瑤華策馬衝寒石逕賒瓊樹烏棲添素
羽玉田草出點青瑕灞橋詩思吟成癖党帳新聲低
更嘉三白兆豐豐尚遠前村煙火幾人家

賀默齋祈雨有感

饑饉民疲苦旱仍桑林一禱卽灑灑也知仁愛孚神

鳴春集

卷之二

十六

良

素豈在雩巫薦信能生意盡回原野碧農家預慶稼
禾登長林風月依然在佇看謳歌滿路興

以上四首
俱刻石隸

志

賀黃默齋祈雨有感和劉西郭韻

旱極三農盡息肩賢侯一禱力回天密雲俄頃施甘
雨赤地須臾變綠田得潤祥禾誇穎粟含香玉粒更
紅鮮至仁淪入生民髓勝把功名費勒鐫

和黃默齋過績溪紀事韻

英雄得志際明時兩試盤根涉險溪德政頓回新邑

困仁恩還係舊民思車經石照爭攀臥心護甘棠誰
貳携願立臺端簪白筆餘波依舊向東之

嗟貧

為貧辭富敢言高少負經綸恨未遭委吏豈無匡國
策伶官何賦美人騷可憐苜蓿盤難繼誰道琅玕腹
會朽閑臥北窓聽杜宇歸來銷恨欲栽桃

月下寫懷

憶昔辟僚極早殃終朝匍匐不勝忙陵陽野外還新
熟苜蓿盤中依舊荒易粟無錢空得價需錢易粟價
鳴春集 卷之二 十七
仍張幽懷願托中秋月早向天心照草堂

瘡熱懸空臺際替白筆翰苑對書向東

困仁恩還係舊民思車經石照爭攀臥心護甘棠誰

馮北湖先生鳴春集卷之三

慈谿馮光浙邦鎮甫著

第三男柯輯錄

第九孫燧校刊

七言律詩

校諸生值中秋無月詠此以期之

掄才校藝肅清堂時值中秋桂子香士弄筆花依皓
魄雲遮玉宇妬清光素娥邂逅嫌期早仙桂婆娑且
謾藏來歲今宵懸靜影金風吹付少年郎

八月十六老母邵宜人壽日有感

鳴春集

卷之三

遙憶萱堂舉壽觴蝦鬚簾捲月生涼笙簫雅稱斑斕
舞俎豆應浮玉蘂香膝下兒孫歌鶴曲天涯遊子絆
名韉願將菊水和桃獻托付金風早送嘗

愧攝縣事

師席閑餘酒半醺牒催攝宰理塵紛縱然野花夾溪
柳爭似清波漾碧芹非為絃歌湏子偃祇緣平易借
慈君宰推天下只如此愧我無因到五雲

雪後訪李宜晚

踏雪村庄馬力驕徐徐按轡過長橋淺斟羔酒粗還

樂謾爇茶煙趣轉饒林掩青葱疑月白鳶迷遠近覺
天高醉餘收拾瓊花景巧入神機信筆描

默齋黃侯伴吾儕赴池陽和劉西郭韻

栢府徵文愧子長仙車伴我出陵陽柳村鶯語聲爭
巧花塢蜂叢足帶香何處牧童吹短笛誰家季女採
柔桑惹成逸興添文思筆底珠璣十乘光

和周後溪儒官韻因以慰之

道富身安不是貧群英濟濟絳維新堂含山色度飛
鳥洋溢芹香襲淑人煙鎖門牆纔覺曉雲籠桃李盡
收春升沉世故知多少須識吾儕樂自真

鳴春集

卷之三

二

題太極巖

邃谷涵泓碧落通塵飛不到一丸空雲封洞口迷仙
跡光透巖頭泄化功好把青泥調菊水誰敲石鼓和
松風乾坤巧作千猷象總在庖羲一畫中

以下四首
俱刻石埭

志

題崇壽寺

沿溪曲徑蒼苔滑攬轡徐行到梵宮衲掛松枝僧臥
月窓搖竹影鶴翻風荒談也道明心性禪悟徒知有

塞空脩纂七賢長嘯後試詢蘭若效坡翁

遊仙壇宮

公餘踏翠散窮愁直到仙壇最上頭
丹鼎遺輝猶自煖青泥成髓至今流
白龍馭後松杉古黃鶴鳴過岸
蒼幽千載共誇賢令迹琴堂勲業屬誰收

九日登開福寺

沿溪策馬風蕭蕭入望郊原物色饒
謾踏龍山開畢甕遙瞻鳳巘奏虞韶
共羞金盞欺銀鬢獨愛霜顛映
菊苗記得古人曾落帽不妨露頂任商飈

以上俱刻石埭志

鳴春集

卷之二

二

五

賀默齋黃侯壽日榮獎

花柳叢中挺大椿金風吹透越精神
虞庠古調稱遐壽烏府旌章值令辰
雙喜惹成簫鼓鬧四時剛得菊
萸新傳盃共把蟠桃數還見光榮幾百春

壽筆峯沈上舍二首

華堂深處沸笙歌借問東君樂為何
南極耿光垂國老北山丹火度雍河
鴿籠對月稱黃耆鶴曲穿雲醉
白波來歲今朝君更喜斑斕戲舞挾仙娥

筆翁洒脫利名場竹洞尋幽臥石床
養靜不知更歲

月怡神羸得引昌陽蟠桃光映霞觴色寶鼎煙浮玉
藥香真靜中涵延壽訣何須鐵杖祝無彊

憶默齋黃侯往鎮江

一發仙舟畫鷁飛順流倏到鎮江磯金山未許遨遊
久雲樹遙瞻影象違堂寂梅花琴調冷榻虛竹葉賞
心微相思相見知何日黃鳥嚶嚶在翠薇

賀陳西郭受職值冢器成婚

陵陽山下產陶朱藹藹仁風被四隅幾處待翁纔舉
火多人湏子獲全軀利民厚澤聞當寧報德新恩出
鳴春集 卷之三 四

紫衢棍擢適逢婚媾吉佳兒佳婦稱歡娛

壽桂東塘八袞

陵陽萃秀起三墩寶鼎遺丹一脉溫羸得閑身在若
社時將逸興寄芳樽共誇矍鑠携鳩杖還看寧馨躍
禹門墻角梅傳春信早賓朋仍會桂花村

賞李宜晚舊遺牡丹和韻

誰道名花處處同君家獨擅洛陽風天香不減當年
馥國色還遺古院紅不語何妨烏帽客含情偏向白
頭公今朝遊賞湏拚醉萍水明春知再逢

送揭陽卓齋行

久仰芳名乍識荆德容蕭洒歷時英一襟詩思珠璣
潤三弄梅花徵角清孤鶴筵前方起舞子規山外又
催程帆飛盡鷓鴣風江溜雲樹茫茫不斷情

九日同寅丈石南丘劉西郭登開福寺

相携遲步陟金城坐對黃花趣更清席上索詩難得
句風前決賭亂敲枰興來不數龍山會樂處何須鶴
利情拚醉莫愁桑落少墻東遙見白衣行

馮懷

鳴春集

卷之三

五

晚年宦隱寓陵陽祿養甘調首宿香携冠與童觀化
育灌花植竹任徜徉何堪時事來多舛始信生辰運
不常安得兒曹能進步慈湖亭畔拾餘芳

和默齋黃侯徽行紀事韻

郎官出宰佛仔肩立馬陵山第一巔野有馴禽春自
乳村無吠犬夜驚眠化行百里從心地德洽群黎是
福田聲聞遠馳

雙闕下豈惟前邑頌前年

送周前川北 覲

蓋臣述職上長安疋馬搖搖行路難懋績一宣
當宁悅楮袍三舞未央寒春風久動却超幕曉露新
沾僧孺灘岸柳村花遮舊徑黃鶯啼向五雲端

慰黃公子下第

誰道文衡盡出公朱衣頭點漏英雄文鋪錦綉看成
莽氣吐虹霓暫落空豚子也窺棘圍綠詞人徒唱燭
檉紅白蛇賦後芳聲遠管取金泥報若翁

往寧國舟中即事

碧嶂夾溪溪水溜一嘯百里無桑田隴中屈曲失南
北墻外鳧鷗相後先風送漁歌低復亮波行雲影斷
還連停舟欲賞誰知己謾寫江南賦一篇

旅邸鬱悶懷默翁先歸

幽居濕室如浸池客邸淹留公事羈遙憶飛鳧落埭
穩長愁畫鷁掛帆遲宓琴遺響絃歌鬧融帳生塵講
誦衰聚首陵陽應有日不妨頻過醉瓊巵

和東谷趙大尹韻因以賀之

嶺頭邂逅接丰采盡認賢侯是裏行蒞止烏臺曉霜
肅兆端巖邑秋蟾明長林花柳頓生色埭里絃歌遠

送聲莫道鳳鸞不棲枳曾聞單父必琴橫

和東谷趙大尹祁山道中韻

隔水青山映夕曛半山花鳥雜紅雲沙溪漁火灰猶
冷野店招旗影自紛走卒衝風不知倦歸鴉帶日欲
尋群脩途莫訝驅馳迅百里榮枯屬使君

和東谷趙大尹望九華山韻

肩輿路出蓮峯下九子如將過客留樹鎖煙霞遮逕
口山空花鳥足歌頭手摩石壁搜題詠步躡仙踪覺
繆悠還擬琴書清暇日再從洞外白雲遊

鳴春集

卷之三

七

良

寒窓寫懷

已見黃花七度新自知尸素愧臣鄰芹蠶講授曾何
補泮水忘饑也未貧霜降豈予羶獨冷月明照我甌
生塵無緣杜宇頻頻叫叫道歸來采澗蓴

禱雨休應賀東谷趙侯

來牟播後不成苗熒惑生灾土復焦萬姓交愁星五
夜一誠致禱雨三朝頓看原野回青色盡荷神君覆
綠瓢欲托無聲詩頌德銘心曲處筆難描

題陳公古泉道澤遺思冊

文旌搖曳出山隈陶叟芳踪孰與陪菊所共悲風鐸
靜古陵爭逐鹿車來士林二蓋纔筵罷

潘邸蒲輪上道催杜宇無端驚午夢雲臯煙渚謾徘徊

謝松亭陳安州賞牡丹無花

盡道芳筵為賞花滿庭妖艷白雲遮楊生欄外空留
榦近侍園中已種瓜且看風前苗捲浪更嘉雨後麥
盈車賞筵却是豐年慶先到長林第一家

和東谷趙侯九日見懷韻

鳴春集

卷之三

八

良

去歲登高興欲飛仙壇此日意相違風來怕落霜顛
帽酒到慵聽金縷衣籬菊綠無知已冷囊萸且趁野
人歸于今還有重陽在桑落濃時再啓扉

賀寅丈王公清野得孫

華族麒麟產泮宮宣尼抱送此奇童浙閩兩地鍾靈
秀神骨雙清叶夢熊百里春雷驚主壘一潭秋水慰
而翁試聲已識真英物莫訝寧馨有祖風

端陽雨中即事

相觀競渡到西河駐馬揚堤待雨過鼉鼓聲遲停畫

漿丹旗影動拂煙波謬傳角黍哀平子空引蒲觴吊
汨羅風岫雲收夕陽漏明朝還擬出江沱

別寅丈彭右泉擢西平掌教

幾年聚首典斯文迭奏墳簞我共君烏石山前談道
樂汝墳郊外望而殷團圓擬對中秋月離別生憎斷
壠雲折贈皇華庭下柳丁寧不惜鴈書勤

題田都閩冊

穎川今復產夷吾間世英雄握虎符月皎影沉江底
壁風輕波漾海濱鳧金壇不解羊生帶玉帳閑投蔡
鳴春集 卷之三 九
老壺駕上詩書遺澤久儒家梟將將家儒

題竹亭晚翠冊

亭外柴扉盡竹封此君清操絕塵容風含翠篠驚棲
鳳雲過叢林接化龍六逸酒行真率會七賢吟賞紫
霞鐘由來分得淇園種千載星沙有異筇

題世樂堂

世樂芳名誰敢當祗緣宿德遠流光高懷洒落時吟
弄塵慮清虛任簌揚謾覩鳶魚成活潑隨携童冠浴
滄浪要知身外還多事范老先憂到八荒

和大尹經梅窓韻二首

世情渾似鬼門關，宦隱榕城淑孔顏。愧我曾無三事
冗，幸予贏得半生閑。襟懷放逸紅塵外，風月尋常綠
醕間。忽報梅亭有佳宴，對梅酣飲不知還。

塞北閩南未閉關，縉紳誰得破愁顏。自誇首着盤雖
冷，獨對詩書事却閑。時引朋徒談世故，宛從仙侶落
人間。承君招我花前飲，漏盡方隨月影還。

芋原發舟往建寧

昧旦熹微便發舟，前途心事總悠悠。漁翁晒網無他

鳴春集

卷之三

十

慮，渡子憑篙也自由。風拂長洲蘆荻舞，雨添新渚鷺
鷗。浮浙中景物過，閩粵何日携壺緩步遊。

道中卽事

入望山川盡是詩，慚無佳句寫清思。層巒聳翠橫雲
外，長澗迂從古壑陂。僧遇樵夫談妙寂，漁逢騷客答
漣漪。星軺役役皇華使，那得從容吐麗詞。

象太平有感

石壁山城封蘚苔，嵯峨蒼翠枕江隈。桑陰柘影濃還
淡，漁艇商舸去復來。外海波濤風已靜，中州桃李日

成培蒼生盡荷昇平福獨有儒官撥冷灰

聞桂

畫舫搖搖詣相臺風香疑是桂花開癡心忽憶當年事不意飛成今日灰每遇中秋翻懊惱且教諸子習鹽梅平生欲向天衢去不到天衢志未回

遊鼇峯和張梅江先生韻

新晴正是賞春時天柱芳踪踵趙微苔徑雙鳧沾露濕石巔獨立礙雲飛自忘遲暮耽行樂纔奏墳箎恨落暉此日此遊難再得能知何處又相依

鳴春集

卷之三

十一

五

暮春

棟風吹後氣融融脩禊蘭亭意味通花塢紅殘香散漫煙村雨細色漠濛乘興不知哀暮景浴沂也入少年叢無端杜宇聲悲切喚醒尊鱸一夢中

送春

久留客邸傷春去五度清風拂柳堤粉蝶識時隨絮舞黃鶯知候盡情啼一生事業半生夢放下機心天下溪及早流觴拚劇飲仰歌金縷和銅鞮

抱歎鳴春集

以上三首俱和張梅江韻

鈍質強吟山野句敲推祇是自成家平生不解風雲
態敢謂曾吞日月華詠物但求清興適酣歌惟怕夕
陽斜鳴春竊愧非名筆謾囑高賢莫浪誇

觀鷺戲吟

一鷺充腴三鷺饑沙邊延頸矚連漪長江多少錦鱗
泳素女空向荻塘悲

素女鷺之別名

飲露神清安必樂振翎

飛迅意何之臨風分付雪衣子斂却手標且待時

月蝕與張梅江聯句

月望如何只半邊馮蝕當深夜未曾圓張山河大地

鳴春集

卷之三

十二

五

無全影玉宇瓊樓不滿弦百斧難脩冰鏡缺一誠能

救素娥還馮睫時掃却浮雲翳依舊孤輪麗九天張

途次遇風雨不可渡返宿宦溪和經梅窻韻

星輅越境為民遊得得登山到上頭奄忽路迷風夾
雨湏臾水漲去還留橫江舟子何能渡傍渚浮鷗暫
與儔野老携壺迎法駕蓐收帳下訴無收蓐收秋神也
喻經尹

過烏岩嶺

烏嶺危關天設險人心更險似危關風波未起花生
塢雷震轟來石落潭天逕曲穿叢棘裏奔泉斜掛萬

山間何如平易光明者德並居諸不可攀

宿鎮安寺

公餘借宿雨花臺金刹諸門也洞開莫認脩禪為主
靜可憐吾輩效如來學無實用曾何補說到真空只
浪猜煙鎖青蓮明月上驅馳王事勿遲徊

曉發白沙驛

以上三首俱和經梅窓韻

四豸聯舟驛路清櫓聲遙雜洞簫聲平沙飲啄鷗鷺
狎長瀨沸騰蛟龍迎叢政不妨詩酒興浩歌如促風
檣行芙蓉夾岸接花塢錯認閩城是錦城

鳴春集

卷之三

十三

寂寥

鱸堂講後寂無聲衙舍青青百卉生籬菊傲霜方吐
葢庭花當午尚含英自離犬子憎風冷獨酌霞觴對
月明忽憶尊鱸動鄉思慈湖南畔有餘清

乙卯寒食前一日遊烏石二首

蘭亭禊後禁煙前烏石風光賽洞天柳絮翻空輕雪
舞榆花夾嶺白雲連江山入望渾如畫胸次無塵半
是仙此會不知何日再生憎杜宇促歸鞭

隣霄絕頂散羈愁俯閭榕城萬井稠苔蘚封碑芳跡

古蕙蘭遮逕異香幽浩歌聲振行雲遏劇飲情濃落日留兩浙干戈聞未息獨余遊罷復還憂

鵲窠報瑞

窠科聲相近故以為瑞而咏之

靈鵲成窠跨竹梅

窠一作科

此君棲鳳占花魁素娥已兆

羅浮夢費子曾騎龍杖回卯出新翎閑啄月雛脩嫩
翩忽驚雷兒曹又抱凌雲志擬協佳祥報捷來

賀張梅江先生生子

金龍玉兔斗牛全際此良辰產大賢頭角軒昂奇骨
聳丰神英邁異香傳元方還有季方在伯氏難為仲
氏先須識寧馨非偶得芝山鄱水慶雲連

鳴春集

卷之三

十四

山

登東鼓山

排雲撥霧躡天梯到得上頭真是奇巖洞迤邐仙跡
古鳥花雜沓客踪稀仰瞻列宿文光轉俯睨三山鼓
麓齊外海濤聲經石榻忽驚午夢躍龍池

題賀石溪德愛別情冊三首

謁謁仁風添野綠水壺聲聞達雲端哦松喜考南閩
最折柳爭攀北上鞍鵲影縱橫煙迳擁驪歌留戀月
光寒荷亭多少慙慙別誰似而今分袂難

同官聚首已多年忍疊陽關餞祖筵萬里隨行惟一
鶴三山遺愛累千篇由來清白曾登嶽始信銓衡不
負賢風鷁沙鷗難舍伴秋江悵望對嬋娟
庭松鬱鬱映村花百里山原桑共麻巖邑春生賢佐
績旌書早沐士林誇口碑載道風聲遠行旆遮輪日
影斜黃鳥嚶鳴雲樹裏可憐從此各天涯

懷子下第後省親

滿期諸胤恣翱翔豈料西風送故鄉脫跡鷄窓真學
子題名鴈塔是誰行白雲在望閩山遠綵戲關心客
路長夾岸芙蓉秋已老晴江猶覺桂花香

嘲債將

權分外闔聲名重劒戟光芒射斗牛無事緋袍黃蓋
赫有為束手閉門愁誰能禦寇紆籌策任爾生靈被
虜囚負國負民真竊位何時奏凱贖前羞

臘月十六日立春

臘盡雪消煖氣回墻東梅已報春來望前望後分春
臘人往人來慶雪梅只可淺斟披鶴氅尚難乘興上
平臺直須柳眼迎風後遊遍三山賞綠醅

和鄭漱石補漏屋一首

屋漏何干靈雨侵隙光漏入殊幽陰冥行勿謂莫予
覲幾動當思若有臨補漏工夫不在瓦擊天事業只
須心焉知小因非弘就還向韋編子細尋

哭如齋弟

田子方過復五秋夢龍遂與白雲遊夜猿泣月哀
塚曉鶴乘風唳古楸菊徑荒涼草窻靜竹林淒寂石
牀幽鴿原無限春光好收拾餘光照北丘

慶張運同先生重封

鳴春集

卷之三

六

椿萱初謝植松楸

恩賁松楸起臥彪化被箕山來

紫誥風行雷野動黃收兩佳懋績彰家學遠紹芳踪
接勝流赫赫休光應未已擬褒三代耀三丘

憶如齋弟

閒來檢爾寄予詩謂爾精神邁往時臥榻青青捐侍
女幽軒寂寂只圍棋悶憑花草開心目藥籍參苓養
胃脾一夢如何長不醒 封章到矣可能知

懷庠留別諸生

落落浮生九載遊岳山書劍重綢繆談經已離三春

榻拚袂還過七里舟雲谷只今留夜月洪溪遙自憶
滄洲千年衣鉢依然在好去相呼努力求

雪峯寺中取竹栽衙內得句柬魏泉峯郡博

高節虛心出上方移根此日入宮牆不隨桃李爭紅
紫且傍松梅傲雪霜滿座清陰留午夢閒庭白晝引
風涼會看棲鳳應須爾早放新篁拂檻長

冬日偕經大尹梅窓胡侍御六華許東川郡守

王槐坡春元燕集魏郡博泉峯菊圃席上和

菊裡傳觴足勝遊簪花欲掩髻邊秋山看野籜杯盤
鳴春集卷之三十七
籍璞玉雕金綠醕浮皎月留人開寶鑑香風襲客透
重裘欲舒綵筆酬佳詠崔浩新詩句句優

謝魏郡博泉峯送疥瘡藥

旅邸蕭條閒白晝詩書伴疥方也步趨應愧菜齋
訓危坐獨慚泥塑人多君寶劑朝朝服更欲湯盤日
日新自信治心如治疾瘡痍何以壽斯民

閏重陽和大司成龔雲岡先生韻

佳節欣逢兩度來西風吹客復登臺戀頭烏帽羞重
落着眼黃花喜再開賒酒仍添陶令興賦詩長憶杜

陵才樽前兒女驚相問笑插茱萸第二回

送劉上舍遠戍滇南

聞君夙抱濟時才匹馬西風此日催青鬢共看投筆
去丹心獨許射雕來三秋涼雨悲行色十載煩冤負
壯懷把袂臨岐謾惆悵英雄自古總堪哀

馮北湖先生鳴春集卷之三畢

鳴春集

卷之三

十八

